

УУЛ УУРХАЙ, ХҮНД ҮЙЛДВЭРИЙН САЙДЫН ЭРХЛЭХ АСУУДЛЫН ХҮРЭЭНД
ХЭРЭГЖСЭН ГАДААДЫН ЗЭЭЛ, ТУСЛАМЖИЙН ТӨСЛИЙН ХЭРЭГЖИЛТЭНД
ХИЙСЭН ХЯНАЛТ ШИНЖИЛГЭЭ, ҮНЭЛГЭЭНИЙ ТАНИЛЦУУЛГА
/2018 оны жилийн эцсийн байдлаар/

2019 оны 02 дугаар сарын 25-ны өдөр

Нэг. Хяналт-шинжилгээ, үнэлгээний зорилго

Уул уурхай, хүнд үйлдвэрийн сайдын эрхлэх асуудлын хүрээнд 2018 онд хэрэгжсэн гадаадын зээл, тусламжийн төслийн хэрэгжилтэд хяналт-шинжилгээ хийж, гүйцэтгэлийн зорилтот түвшинг хүрсэн түвшинтэй нь харьцуулан үр дүнг үнэлэх, зөвлөмж, дүгнэлт гаргах, удирдлагыг үнэн зөв мэдээллээр хангах, төлөвлөсөн зорилго, зорилтыг бүрэн биелүүлэхэд дэмжлэг үзүүлэхэд оршино.

Хоёр. Хяналт- шинжилгээ, үнэлгээний арга зүй

Гадаад хамтын ажиллагааны төслийн хэрэгжилтийн явцад хяналт-шинжилгээ, үр дүнгийн үнэлгээ хийхдээ Хөгжлийн бодлого төлөвлөлтийн тухай хууль, Засгийн газрын 2017 оны 89 дүгээр тогтоолоор баталсан Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам, Сангийн яамны 2019.01.25-ны өдрийн 10/182 албан бичгийг тус тус удирдлага болгов.

Уул уурхай, хүнд үйлдвэрийн яам (УУХҮЯ)-ны Геологи, уул уурхайн бодлогын хэрэгжилтийг зохицуулах газар болон Ашигт малтмал, газрын тосны газраас тайлагнасан 6 төслийн тайланд хяналт шинжилгээ, үнэлгээ хийж (Хавсралт 5), төслүүдийн үнэлгээ, санхүүжилт, хөрөнгийн зарцуулалт, төлөвлөсөн ажлын биелэлт, төслийн хүрээнд бий болсон ажлын байр, сургалтын судалгааны тайлан, мэдээг нэгтгэсэн. (Хавсралт 1-4)

Хөтөлбөр, төслийн зорилтыг хэрэгжүүлэх хугацааны төгсгөлд гарах үр дүнг үнэлгээ хийх үед хүрсэн бодит үр дүнгийн түвшинтэй харьцуулан биелэлтийг хувиар тодорхойлж үнэлгээг гаргав.

Гурав. Хяналт-шинжилгээ, үнэлгээний үр дүн

Уул уурхай, хүнд үйлдвэрийн сайдын эрхлэх асуудлын хүрээнд 6 гадаадын зээл, тусламжийн хөтөлбөр, төсөл хэрэгжсэн бөгөөд эдгээр төслүүдээс 4 төсөл нь буцалтгүй тусламж, 2 нь гэрээ санамж бичгийн хүрээнд хэрэгжүүлж буй улсын санхүүжилтээр хэрэгжиж байна.

Гадаадын зээл, буцалтгүй тусламжийн төслийн хэрэгжилт 2018 оны жилийн эцсийн байдлаар 65 хувьтай, үүнээс удирдлага зохион байгуулалт сайн, үр дүн гарсан 1 /90-100 хувь/, хэрэгжилт, үр дүнг нэмэгдүүлэх шаардлагатай 3 /70 хувь/, үйл ажиллагааг эрчимжүүлэх шаардлагатай 2 /40 хувь/ хөтөлбөр, төсөл байна гэж үнэлсэн (Хүснэгт 1).

Гадаадын зээл, тусламжийн төслийн хэрэгжилтийн үнэлгээний нэгтгэл
/2018 оны жилийн эцсийн байдлаар/

Хүснэгт 1

Д/д	Төслийн нэр	Зорилтын тоо	Үнэлгээ (хувь)					Хэрэгжилт (хувь)
			100	70	40	0	/-/	
1	Тогтвортой бичил уурхай төсөл (ТБУТ) 4-р үе шат	3	1					100
2	Монгол Улсын олборлох салбарын менежментийг бэхжүүлэх (СЕСМИМ) төсөл	3		1				70
3	Институцийн өөрчлөлт хийх замаар эрдэс баялгийн менежментийг сайжруулах төсөл (MERIT). Хүний нөөцийн ур чадварт суурилсан тогтолцоо-MERIT	3			1			40
4	Австрали- Монголын эрдэс баялгийн салбарын хамтын ажиллагааны хөтөлбөр /АМЕР/, Веб-д суурилсан Геологийн мэдээллийн метадата-каталоги систем /Монгеокат/-ийг хөгжүүлэх, АМЕП	2		1				70
5	ХБНГУ-ын Геошинжлэх ухаан, байгалийн нөөцийн холбооны хүрээлэн (BGR) МУ-ын Ашигт малтмал, газрын тосны газар (АМГТГ)-тай хамтран	4			1			40
6	Монгол орны зүүн болон урд хэсэгт 1:50 000-ны масштабын геологийн зураглал болон ашигт малтмалын судалгаа хийх төсөл-КИГАМ	1		1				70
	Нийт дүн	16	1	3	2	0	0	65%

Тайлант хугацаанд Монгол орны зүүн болон урд хэсгээр 1:50 000-ны масштабын геологийн зураглал болон ашигт малтмалын судалгаа хийх чиглэлээр хэрэгжүүлж байгаа БНСУ-ын КИГАМ төслийн хэрэгжилтэнд илүү ахиц гарсан байна. Энэхүү хөтөлбөр, төслийн хүрээнд Монгол улсын нутаг дэвсгэрийн хэмжээнд 1:50000-ны масштабын геологийн зураглал ерөнхий эрлийн ажлыг хийх заавар, тавигдах шаардлагын дагуу амжилттай хийгдсэн. Австрали-Монголын эрдэс баялгийн салбарын хамтын ажиллагааны хөтөлбөр веб-д суурилсан Геологийн мэдээллийн метадата-каталоги систем /Монгеокат/-ийг хөгжүүлэх- АМЕП төсөл үр дүнтэй, амжилттай хэрэгжиж байна. АМЕП төсөл, хөтөлбөр хэрэгжих хугацааг 2019 оны 4-р сарын 1-ний өдрийг хүртэл сунган ажиллаж байна.

Эдийн засгийн хувьд тогтвортой, байгаль орчны хувьд хариуцлагатай, хүний эрхэд суурилсан Монгол Улсын бичил уурхайн салбар нь бичил уурхайн талаарх олон улсын сайн туршлагаас суралцах, үр шимийг хүртэх, хувь нэмэр оруулах зорилготой Тогтвортой бичил уурхай төсөл амжилттай хэрэгжиж байна.

Сангийн яамны 2019.01.16-ны өдрийн 10/182 дугаартай албан бичгийн хавсралт 4-х хүснэгтийн дагуу гадаад зээл, тусламжийн төслүүдийн үнэлгээ, санхүүжилт, хөрөнгийн зарцуулалт, төлөвлөсөн ажлын биелэлт, төслийн хүрээнд бий болсон ажлын байр, сургалтын судалгааны талаарх мэдээллийг төсөл хэрэгжүүлэгчид бүрэн тайлагнасангүй.

Дөрөв. Дүгнэлт

1. Уул уурхай, хүнд үйлдвэрийн сайдын эрхлэх асуудлын хүрээнд хэрэгжсэн гадаадын зээл, тусламжийн 6 төслийн хэрэгжилт 2018 оны жилийн эцсийн байдлаар 65 хувьтай үнэлэгдэв.
2. Гадаадын зээл, тусламжийн төслүүдийн санамж бичиг, хэлэлцээр, гэрээ зэрэг эрх зүйн зүйн баримт бичгүүд яам, агентлагийн албан хэрэгцээнд байхгүй.

Тав. Санал, зөвлөмж

1. Хөтөлбөрийн хүрээнд хийгдсэн судалгаа, тайлангуудыг ашиглах, ажил хэрэг болгох нь хамтран ажиллагч төрийн байгууллагуудтай уялдаа холбоог сайжруулах
2. Геологи, уул уурхай, газрын тос, хүнд үйлдвэрийн салбарын асуудал хариуцсан яам, агентлагийн нэгжүүд нь төслүүдийн хэрэгжилтийн хүрсэн үр дүн, ажлын чанар, үр өгөөжид мэргэжлийн өндөр түвшинд анхаарч, салбарын бодлого, төлөвлөлттэй уялдуулах шаардлагатай байна.
3. Салбарын хэмжээнд хэрэгжиж байгаа төслүүдийн Монгол хэл болон НҮБ-ын албан ёсны хэлээр байгуулагдсан санамж бичиг, хэлэлцээр, гэрээ зэрэг эрх зүйн баримт бичгүүдийг асуудал хариуцсан нэгжүүд албан хэрэгцээнд ашиглах, Монгол хэлний тухай хуулийн хэрэгжилтийг ханган ажиллах шаардлагатай байна.

УУЛ УУРХАЙ, ХҮНД ҮЙЛДВЭРИЙН ЯАМ

Хянасан:

ХШҮДАГ-ын дарга

Г.Ганхүү

Танилцуулга боловсруулсан:

ХШҮДАГ-ын мэргэжилтэн

Д.Батнайрамдал /2018.02.25/

Төслийн хэрэгжилтэнд ХШҮ хийсэн:

ХШҮДАГ-ын мэргэжилтэн

Д.Батнайрамдал